

遍神兵自護誦之五過魔鬼遠潛誦之六過
身絕痛苦誦之七過得見真光誦之百過三
界保舉誦之十過永親禧祥誦之萬遍身處
仙宮與道合同斯文為修行之徑路作進道
之梯航內能保煉其真外可屏除其業靜中
觀靜玄中又玄於是諸天仙聖得聞妙義得
獲真篇踴躍歡欣喜不可計天君進前作禮
上謝

天尊而獻頌曰

至道尊元 包育諸天 本寧本靜

乃聖乃仙 抱黃回紫 出青入玄

天尊悲慈 開演真篇 妙理希夷

上坤下乾 匪彫匪斲 弗黨弗偏

體而用之 身登大千 元罡萬化

播運機權 無為無礙 處乎湛然

今獲靈文 上聖親言 若悟之者

浩劫綿綿 壽齡遐速 福祿長堅

得處清靜 永向道前

天尊告諸天仙曰我等誓願流傳此經若人
誠心堅懇即使災消福降永得仙真護持子

孫不絕世生生親
天尊前諸聖說經已竟受得妙法迴車乘鶴
鳳輦雲辮拜謝
天尊奉辭而退

太上九天延祥滌厄四聖妙經

元始天尊說北方真武妙經

七七

仰啓呪

仰啓玄天大聖者 北方壬癸至靈神

金闕真尊應化身 無上將軍號真武

威容赫奕太陰君 列宿虛危分秀炁

雙睛掣電伏羣魔 萬騎如雲威九地

紫袍金帶佩神鋒 蒼龜巨蛇捧聖足

六丁五女左右隨 八殺將軍前後衛

消災降福不思議 歸命一心今奉禮

爾時

元始天尊於龍漢元年七月十五日於八景

天宮上元之殿安祥五雲之座與三十六天

帝十極真人無量飛天大神玉童玉女侍衛

左右一時同會鼓動法音天樂自響大眾欣

然咸聽

天尊說無上至真妙法是時上元天宮東北

方大震七聲天門忽開下觀世界乃有黑毒

血光穢雜之氣幽冥冥從人間東北方直

上衝天盤結不散大眾咸驚默然不敢議問

時會中有一真人名曰妙行威德充備諸天

飲仰越班而出執簡長跪上白

天尊曰況此境清靜太陽道境何得有此黑
毒之氣盤結衝上是何異因唯願

天尊至聖為眾宣說絕其疑慮

天尊告曰汝等妙行能為眾生發問是由汝

當復坐靜然安神吾當為說

天尊曰下元生人皆稟清靜氣真一之形

悉備三萬六千神氣扶衛其身今已陰陽數

盡劫運將終魔鬼流行信從邪道不省本源

誥求餘福昏迷沉亂不忠不孝不義不仁好

樂邪神禱祭魔法今為六天魔鬼枉所傷害

或老或少或男或女未盡天年橫被傷殺本

非死期現無可託鬼毒流盛死魂不散怨怒

上衝盤結惡氣故當省知於是妙行真人與

諸大眾聞是說已心大驚怖欲請

天尊威光暫降下方收除魔鬼救度眾生技

濟幽魂去離邪橫大眾懷疑未敢

天尊告曰不勞吾威神此去北方自有大神

將號曰真武都眾勇猛極能降伏邪道收斬

妖魔真人上白

天尊曰不審此位神將生居天界修何道德
為於神將

天尊告曰昔有淨樂國王與善勝皇后夢吞

日光覺而有娠懷胎十四箇月於開皇元年

甲辰之歲三月建辰初三日午時誕於王宮

生而神靈長而勇猛不統王位唯務修行輔

助

玉帝誓斷天下妖魔救護羣品日夜於王宮

中發此誓願父王不能禁制遂捨家辭父母

入武當山中修道四十二年功成果滿白日

登天

玉帝聞其勇猛勅鎮北方統攝真武之位以

斷天下妖邪真人上白

天尊曰如何得此神將入於下方收除魔鬼

救度羣生免遭橫死日有所益伏願大慈

登天

天尊遂其所請乃勅右侍玉童馳詔真符一

道運往北方召其真武神將其神蒙召部領

神眾迎到

天尊前長跪已奉

玉帝勅命位鎮北方今日何緣得親慈顏特

蒙符召

天尊告曰吾於上元宮中大會說法忽下方

黑毒怨氣衝上天界大眾咸驚汝宜往彼收

斷妖魔拔濟魂真真武神將啟奉

天尊教勅乃披髮跣足踏騰蛇八卦神龜部

領三十萬神將六丁六甲五雷神兵巨虬獅

子毒龍猛獸前後導從齊到下方七日之中

天下妖魔一時收斂人鬼分離冤魂解散生

人安泰國土清平真武神將與諸部眾還歸

上元宮中朝見

天尊曰昨奉勅命往下方收斬妖魔仗

慈專力乃於七日之內天下邪鬼並皆清滲

天尊曰善哉汝等諸神得無勞乎於是真武

神將乃交乾布斗履置激指上佐天關而作

呪曰

太陰化生 水位之精 虛危上應

龜蛇合形 周行六合 威攝萬靈

無幽不察 無願不成 劫終劫始

剪伐魔精 收護羣品 家國咸寧

數中未甲 妖氣流行 上帝有勅

吾故降靈 關揚正法 蕩邪辟兵
化育黎兆 協贊中興 敢有小鬼
欲來現形 吾目一視 五嶽摧傾
急急如律令

奉禮呪曰

太初太易 無象無形 莫知重濁

孰辨輕清 吾於混沌 分其昏明

天得以健 地得以寧 民得以養

物得以萌 邪得以正 神得以靈

三才之內 萬類咸亨 大朴既散

仁義乃興 禮樂既作 姦邪斯行

六誼或失 四民有爭 上不寬恕

下不忠貞 或魔或鬼 或妖或精

恣橫荼毒 干擾生民 全家疾患

累歲官刑 財物耗散 骨肉伶仃

性命枉逝 災禍相乘 穢雜之氣

上達天庭 天專有命 令與安平

有妖皆剪 無鬼不烹 瘟疫之吏

東首伏應 鬼精滅典 邪魔推傾

書于鳥空 五千萬兵 天上天下

從吾降界 拒吾者滅 奉吾者生
惡吾者辱 敬吾者榮 禮吾者壽
非吾者覺 吾有此令 人鬼咸聽
急急如律令

又呪曰

北方玄天 杳杳神君 億千變化

玄武靈真 騰天倒地 驅雷奔雲

隊仗千萬 掃蕩妖氛 雷公侍從

玉女將軍 鬼神降伏 龍虎潛奔

威震五嶽 萬靈咸遵 鳴鐘擊鼓

遊行乾坤 收捕逆鬼 破辟魔軍

除邪輔正 道炁常臻 急急如律令

天尊善具武曰自今後凡遇甲子庚申每月

三七日宜一人間受人之懸察察人之善惡

修學功過年命長短可依吾教供養轉經眾

具來降魔精消伏斷滅不祥過去超生九幽

息對見存獲慶天下和平

爾時妙行真人與諸天帝無量飛天神王真

仙大東闕說莫不歡喜踴躍一時作禮讚歎

功德我等今日蒙大法利益請於人世救護

衆生今得免三災患難各各受持稽首奉行
真武神將再來
天尊勅永鎮北方奉辭而退

元始天尊說北方真武妙經